

# САМУРДИН СЕС

«Магъарамдхуьруьн район» МР-дин  
общественно-политический газет.  
Общественно-политическая газета  
МР «Маггарамкентский район».

**ГОЛОС САМУРА**

Газет 1951- йисалай акъятзава. № 15 (8050) киш, 10- апрель, 2021- йис. Къимет 6 манат



## Алукъзавай Рамазандин варз Мубаракрай!

ГЪУЪРМЕТЛУ РАЙОНЭГЪЛИЯР! Чна чи ватанэгълийриз, вири мусурманриз, алукъзавай азиз Рамазандин пак тир варз риклин сидкьидай мубаракзава.

Мусурманар патал и пак сувар хий-ирлу крар гъидайди хъурай, къуй ада гъар са кваллиз сад-сadan гъавурда акъадай меслятлувилин гъалар гъурай. Квез инсанрин арада жуьрэтлувал, инсанпересвал, ислягъвал ва дурумлувал мягъкемаруниз таъсирдай къуват гурай.

Аллагъди квез виридаз, гъуьрмет-лубур, сифтени-сифте мягъкем сагъвал, хизанда члехи гъуьрмет-хатур ва берекат гурай.

**Фарид АГЪМЕДОВ,**  
«Магъарамдхуьруьн район»  
муниципальный райондин  
Администрациядин къил.

## Тебрик

ГЪУЪРМЕТЛУ районэгълияр! Ингъе цинин пак тир Рамазандин варзни чаз мутьман жезва. Рамазандин варз- им Аллагъ таалади пак тир калам- Къуръан ракъурнавай варз я. И вацра вири дуьнъядин мусурманри Аллагъ таалади чпин хиве ферз яз тунвай вад шартуникай са шартI- сив хуьн кьиле тухуда. Къуй вири мусурманри хуьзвай сивер, ийизвай дуьаяр, гузвай садакъаяр Аллагъ таалади къабулрай. Чи хуьрера, кIвалера ислягъвал, бахт-берекат хъурай.

Къуй Аллагъ таалади цинин Рамазандин варз мусурманриз лайхлу тир къайдада кьиле тухудай кIеви тир Иман гурай. Амин.

«Самурдин сес» газетдин  
редакция.



Сивер хуьзвай жегъил, къуьзуь инсанар!  
Куь ферз кьиле зарафатрив тухумир.  
Хуш туштIа ваз, ерли къамир на сивер.  
Къамир, гунагъ къезил жеда са къадар.  
ИкI ви эхир хъсан жеда лугъумир,  
Абур къаза хъувун тавуртIа эгер.

Вуч хъсан я? Рамазандин гъар йисуз  
Суннатарни ферзер вири галайвал  
Кьиле тухун, ибадатни хивеваз.  
Гъич фикирмир «четин кар я ам» лугъуз,  
На кьиле твах сивер гъа ваз лагъайвал,  
Сабурлу хъухь, акъул жуван кылеваз.

## 7 – АПРЕЛЬ ВИРИДУЪНЪЯДИН САГЪЛАМВИЛИН ЮГЪ Я

АДЕТ ХЪАНВАЙВАЛ, 1950- йисалай башламишна, гъар йисан 7- апрелдиз вири дуъньяда сагъламвилин югъ къейдзава. Им 1948- йисан апрелдин вацра гъа и юкъуз ВОЗ (Виридуъньядин Сагъламвилин Организация) тешкилунихъ галаз алакълу я. Агъалийрин сагъламвал хуънин месэла гъар уълкведа сифте чкадал эцигзава. Ам гъар йисуз къейд авунихъ чИехи метлеб ава, гъ и к I лагъайтIа инсанриз сагъламвилин къетIенвал (особенность) къалурун иллаки важиблу я. Вирида санал веревирд авун патал иллаки хци месэлаяр къарагъарзава, гъялун патал абур здравоохранениедин организацирин вилик эцигзава.

Лугъун лазим я, и югъ нубатдалди, къилдин са жуъре азардиз талукъарна къиле физва.

Алай девирдин йикъан месэлайрин къилин тема коронавирусдин тIугъвал я. Алатай йисалай пайда хъайи цIийи вирусди инсандин сагъламвилиз зарар гунилай, инсанар телефон хъунилай ва дуъньядин экономикадиз чIехи зиянар гунилай гъейри,

психика къайдадикай хкудзава, чаз виш йисаралди адет хъанвай уъмуърдин къайда дегшарзава. Алай вахтунда соцсетра, телефонра, ватцапра чи уълкведин алимри акъуднавай вакцинадиз акси рахунар артух жезва. Вакцинадин рапар ямир, абуру чIуру нетижаяр гузва, лугъуз эвер гунарни ава. Вакцинадин зиянлувиликай завай са гафнии лугъуз же-



дач-зун духтур туш, я адакай зиян хъайи са дуъшуъшни заз малум туш. Амма «Спутник 5» вакцина гъазурнавай Центрдин директор Александр Гинцбурганан гафарай, и вакцинадин хатасузвал ва менфятлувал субутарнава. Ада инсан коронавирусдикай агъа кIан къве йисан девирда хуъда лугъуззава. Идалай гъейри, вакцинация-им гуъгъуъллу кар я.

Ваз дакIанз ам садавайни ягъиз жедач. Амма чаз

чирхъун герек я, вакцина авачиз и гъаф хаталу азардин вилик пад къун четин месэла я. Чаз аквазва хъи коронавирусдик азарлу хъайибур, къейи дуъшуъшар къвердавай артух жезвайди. Вири дуъньядин здравоохранениедин организацияди (ВОЗ) гайи делилралди, дуъньяда коронавирусдин азар акатайбурун къадар 130 мл.кас,

Россияда 4,5мл кас, Дагъустанда 30 агъзур кас, чи районда 1126 кас азарлу хъана.

Азарлу хъайи ксариз коронавирусдин тугъвалди гъикъван чIехи азаб, гъихътин зарар гузватIа чаз виридаз аквазва, чизва. Гъавилай чи хиве неинки са жуван сагъламвилин жигъетдай жавабдарвал авайдан, гъакIни чун патарив гъай ксарин патархъай

къайгъударвал авун герек тирди гъавурда акъун важиблу я.

Чи районда коронавирусдиз акси рапар ягъиз кIанзавайбурун къадар къвердавай гъаф жезва. Къейд ийин хъи, раб ашкъи авай гъар са касдивай пулсуздаказ ягъиз жеда. Агъалияр Магъарамдхуъруън райондин къилин больницада (духтурханада) акъайнавай рапар ядай махсус пунктуна

➔ 5

## НУБАТДИН САВКЪВАТ

КІЕЛДАЙДИ патал цІийи гъар са ктаб нубатдин савкъват ятІа, автор вич патал ам нубатдин ктаб я. Ингъе, зал шаир, драматург, Дагъустан Республикадин культурадин лайихлу работник, Халкъдин шаир Абдуселим Исмаилован нубатдин ктаб (зун патал еке савкъват) «Терг хъайибур» агакьна.

Абдуселим Исмаилова вичин зегъметдин рехъ школада малимвилелай башламишна. Еке гимидиз сирнав авун патал дерин гъуъл герек я, лугъузва мисалди. И мисалдин метлеблувал фадкъатІай малимди вичин пеше журналиствилихъ галаз дегишарна. Ина адан яратмишунри, гъам шаир, гъам писатель яз цуьк акъудиз башламишна.


А. Исмаилов неинки са лезги халкъдин, гъакІ чи республикадин халкъарин ширатда цІийи тІвар туш. Адан поэзияди тІвар-ван авай, гъаф шаиррин арада фадлай лайихлу чка къунва. Зун Абдуселим Исмаилован поэзиядихъ галаз фадлай таниш я. Абдуселим Исмаиловахъ кІелдайбурун фикир желбдай, мад сеферда кІелиз хуш къведай ширар ва гъикаяяр гъаф ава. Шаир ва писатель

Абдуселим Абумуслимовича вичиз хъсандиз таниш, гъар камуна гъалтзавай жуьреба-жуьре вакъайрикай ва дуьшуьшрикай, хуьруьн жемятдикай, интеллигенциядикай, яшайишдикай кхъизва. Писателдин кхъинрин хатІанжах вичиз хасди ва чІалкъетІенди я. Авторди яратмишнавай къаматар рикІелай алат тийидайбур, игитар чаз гъар садаз мукъвабур ва фадлай танишбур хъиз я.

А. Исмаилован цІийи



ктабда куьгъне адетриз, къанихбуруз, къве чин алайбуруз, зегъметдивай къил къакъудзавайбуруз, гъакІ жуьреба-жуьре маса темайриз талукъарнавай гъикаяяр гъатнава. Ада вичин яратмишунра чІуру адетар, ахлакъсузвал, эдебсузвал, тахсиркарвилер ийизвайбур, ичкибазар негъзава. Зегъмет-



диз, инсанвилиз гъуьрмет ийизва.

«Терг хъайибур» им автордин шумуд лагъай ктаб ятІа, заз исятда лугъуз кІанзавач. Абурчна зулуз гъисабда, гъелелиг шаирдин поэзиядин зул туш, ам гъеле яратмишунрин чигъинда ава. Чна адалай цІийи-цІийи ктабар гуьзлемишзава.

Абдуселим Исмаилован яратмишунрин тематикадин гегъеншвиликай, образрин тамамвиликай, фикиррин хъивиликай, чІаланмихъивиликай ва руьгъдин чІехивиликай завай яргъалди рахаз жеда, амма залай хъсандиз ва гегъеншдиз ада вичин яратмишунра лагъанва.

Р. МУРАДАЛИЕВ.

шикилда. РД-дин  
Халкъдин шаир  
А. А. ИСМАИЛОВ.

## ИНТЕРВЬЮ

**СУВАРИН ВИЛИК**

*ГЪАР ЙИСУЗ, апрелдин вацран сифте кѳилера чи уьлкведа военный комиссариатдин работникрин югъ къейд ийизва. И йикъан вилик чи корреспондент Афисат Айдемирова РД- дин военный комиссариатдин Магъармдхурьун районда авай отделдин начальник ЭЛЬМАН ГЪАЖИЕВАХЪ галаз гуьруьшмиш хъана ва адахъ галаз пешекарвилин суварин йикъакай ва башламиш хъанвай гатфарин призывдикай яргъалди суьгъбетарна.*

**-ЭЛЬМАН Рафикович,** гъар йисуз 8- апрелдиз чи уьлкведа военный комиссариатдин работникрин югъ къейд ийизва. И сувар арадал атуникай ва чи район-

да ам къейд авуникай са куьруь суьгъбет авуртга жедачни ?

-Чи районда военный комиссариатдин кьуллугъ 1944- йисан 1- августдиз тешкил хъанай. Республикада и кьуллугъ тешкил хъайидалай инихъ 100 йис тамам хъунин юбилейдин мярекатар 2018- йисуз тешкиллувилелди кьиле фенай. Аниз республикадин военный комиссариатдин работникар атана чи пешекарвилин суварин юбилей гурлудаказ къейднай. Гьелбетда чкадални чна и югъ шад гьалара къейдзава, кьвалахдин рекъе тафаватлу хъайи работникрин премияр гузва, чухсагъулар малумарзава. И юкьуз, чун и кьуллугъдин ветеранрин патарив кьвалериз физва. Чи кьвалах са призывдикай ваъ, гьакъни са жерге маса важиблу везифайрикай ибарат я. Вири ихтилатар ийидай ихтиярни чаз авач.

**-Эхиримжи вад йисан вахтунда чи райондин военный комиссариатдин отдел республикада ара датгана кьвенкьвечи, сад, кьвед ва пуд**

лагъай чкайрал хъун, им гьелбетда куь жавабдар, гьакъи-сагъ зегъметдин негъжа тирдал са шакни алач. И кардин гьакъиндай куьне вуч лугъуда?

-Гъихътин хъсан регъбер хъайитгани текдиз ихътин агалкьунрихъ гъиз жедач. Гъар са регъбердин далудихъ мягъкем коллектив хъана кьанда. Чи отделда чпин везифайрив карчивилелди эгечизавай, яргъал йисара кьвалахзавай Физули Гъажиев, Тельман Мирзегъасанов, Ракъют Хизриева, Эльмира Гъалимова, Давуд Залов хътин работникрин галаз чьугвазвай зегъметди хъсан негъжайрихъни гъизва. Абурун тежрибадикай отделда кьвалахзавай жегъилрини менфят хкудзава.

**-Эльман Рафикович, башламиш хъанвай цинин гатфарин призывдихъ гъихътин кьеттенвилер ава?**

-Алатай йисалай пайда хъайи коронавирусди чи кьвалахдани са жерге дегишвилер тунва. Эвер гузвай призывникри къайдада аваз гузвай анализрин, тухузвай ахтармишунрин кьилел, ковиддин анализни гузва. Алатай йисуз чна кьве призывдик кваз 200 жегъил пак буржи тамамариз рекъе тунай. Цинин гатфарин призывдик кваз, 16- апрелдиз 70 кас рекъе твада. Гьелбетда сифте

➔ 5



## СУВАРИН ВИЛИК

4 ←

нубатда еке яш авай, кылин ва юкьван образованияр гвай, ДОСАФ- да гъзурвал къачунвай жегъилар рекъе твазва.

-Икърар кутГунна къуллугъзавай бур чи районда гыкьван ава, абурун арада дишегълияр авани ва куьне рекъе туна военный рекъий кылин образованияр къачузвай бурун гъакъиндай квевай вуч лугъуз жедат?

-Алай вахтунда, 500 шев агакьна жегъилри икърар кутГунна уьлкведин гъар пипера къуллугъзава. Сад лагъай икърар 40 йисалди кутГунзава ва къвед лагъай икърардин вахт 50 йис жедалди ихтияр ава. Виликдай и хиле дишегълияр къериз цъаруз гъалтдай. Алай вахтунда и къуллугъдал физвай дишегълийрин къадарни къвердавай аргух жезва. Кытвал авай пешеяр тир ашпазар, фельдшерар, финансистар хабар къурла гъа частариз ракъурзава. Алагай йисуз 20 жегъил чна военный вузриз рекъе тунай. Цинин йисуз военный вузра келиз гъевес авай 30 жегъилдин документар рекъе тунва. Келунар акъалтIарна хтай офицерриз чкайрал кIвалах жедайдал са шакни алач.

-Эльман Рафикович, чна авай мумкинвилерикай менфят къачуна квез ва куьне регъбервал гузвай коллективдиз пешекарвили сувар мубаракзава. Къуй квехъ чандин мягъкем сагъвал, кIвалахда агалкъунар ва хизанра хушбахтлувал хъурай!

-Куьнни сагърай.



РЕСПУБЛИКА ДАГЕСТАН  
МАГАРАМКЕНТСКИЙ РАЙОН  
СОБРАНИЕ ДЕПУТАТОВ СЕЛЬСКОГО ПОСЕЛЕНИЯ.  
«Село ГАПЦАХ»

18.03.2021 год.

№ 9.

## РЕШЕНИЕ

О прекращении полномочий депутата Собрания Депутатов Сельского Собрания «С.Гапцах» Саруханова Д. Б.

В соответствии с п.2 ч.10 ст.40 Федерального Закона от 6 октября 2003 года №131-ФЗ «Об общих принципах организации местного самоуправления в Российской Федерации», ст.26 п.2 Устава сельского поселения «С.Гапцах»:

## РЕШАЕТ:

1. Утвердить досрочное прекращение полномочий депутата сельского Собрания «С.Гапцах» пятого созыва Саруханова Д. Б. по собственному желанию.

2. Настоящее решение вступает в силу в следующий день после дня его официального обнародования.

Председатель Собрания депутатов  
Сельского Собрания «С.Гапцах»:



Ш.А.Нагметуллаев.

## 7 – АПРЕЛЬ ВИРИДУЪНЪЯДИН САГЪЛАМВИЛИН ЮГЪ Я

2 ←

къабулзава. Лагъана кIанда, эхириджи йикъара коронавирусдиз акси рапар янавай бурун къадар 445- дав агакьнава.

Къейд ийин хьи, Магъарамдхуьруьн районда коронавирусдиз акси рапар яна кIанзавай 15000 кас ава. Абурун арада муниципалитетдин администрациядин, полициядин, медицинадин, школайрин, бахчайрин къуллутгъчияр ва

жергедин агъалияр ава. Алай вахтунда райондин больницада (духтурханада) инфекцийрин отделениеда коронавирус ва стIалжем хъанвай ирид азарлу кас ава. Ругуд кас кIвалин шартIара духтуррин гуьзчивилик ква.

Зи фикирдалди азардиз акси раб ягъайтIа хъсан я. И кар чна жув ва жуван багърияр хуьн патал кылиз акъудна кIанда.

ЖАННА .

# ДИН ВА ИНСАН

(Эхир)

(Эвел 11-12-14- нумрайра).

АХПА Пайгъамбардиз (с.г.а. А.в.с.) Жегъенемдин тарцелай емишар незвай са десте инсанар акуна. «Ибур ву жар я?»- лагъана хабар кърла, адаз жаваб гана: «Абур ви уьмметдин инсанар я, Аллагъди чпиз ганвай девлетрикай я закят, я садакъя, я шафакъят тагайбур».

Са итим файдасуз кларасрин чехи хара жажиз чалишмиш хъанвай. «А итимди вичихъ аманат яз ихтибарнавай чара-

къайдада ахъайиз башламишна. Ибур аль-Бухаридинни Муслиман гъадисрин кватталда ачухдаказ ганва.

Абу Джагъл ибн Хишама риктлар жедай жуьреда Пайгъамбардивай (с.г.а.А.в.с.) жузуна: «Эй, Мухаммад, ваз мад акьулдиз текъвер хътин, члалахъ тежер хътин вакъайрикай чаз суьгъбетар ийиз кланзавани?» - «Эхъ»- жаваб гана Пайгъамбарди (с.г.а. А.в.с.) ва вичи авур сиягъатдикай Абу-Джагълваз ва анал кватл хъанвай къван адан терефдарриз

гъабдиз (А.р.хъ.в.) хабар гун патал тади къачуз хъана, гьикл хъи, ам шаклу хъана диндила, имандилай алатда лагъана.

Анжах вафалу тир дустуни икл лагъана: «Эгер и гафар Пайгъамбардинбур (с.г.а. А.в.с.) ятла, квез ада гъакл ахъайнаватла, абур дуьз ва гъахълубур я. Зун са клусни шаклу тахъана гъазур я гъадахъ ягъаз, за ихтибар ийизва адан гъар са гафунихъ, гъатта абур члалахъда акъан тийирбур хъайитлани.

Гъавилай Абу-Бакр асгъаб (А.р.хъ.в.) «ас-Сиддикъ» лагъай тварцлиз лайхлуни тир, вучиз лагъайтла, ада Пайгъамбар (с.г.а. А.в.с.) гъахълу, дуьз тирди субутна ва вич чуру па-

## Аль-Исраъ валь-Миърадж

дан шейэр вичиз къаз алахъна»- жаваб гана Джабраила (А.р.хъ.в.).

Некягъ авачиз, чара итимдила гъульуьккай чинеба аял ханвай дишегъли, хуруяр къармахрив галкърна, куьрсарнавай.

Етимрин эменни чпиз къаз алахъайбур пис кузвай, ифей жуьгъенрин цуквар хъуьткъуьнзавай. Чуру крар авур гунагъкар инсанар генани инсафсузвилелди жазаламишзавай.

Пакад йикъан экуьнахъ, цаварилай эвичл хъувурдалай къулухъ, Пайгъамбарди (с.г.а. А.в.с.) вичиз акур, ван хъайи, къилел атай вири крар ахъайиз башламишна. И ван хъайи мушрикри (динсузри) сада-садаз и суьгъбетрикай хабар гуз, зарафатрал вегъез, рахшандар ийиз хъана. Ахпа мушрикрикай сада аль-Къудс-дин лишанар, тегъерар, шикил, элкъвена къваларив гвай чкайрикай суьгъбет авун теклифна.

Анжах ана авай вахтунда Пайгъамбарди (с.г.а. А.в.с.) шегъердиз дикъетдив са акъван фикир ганачир. И арада Аллагъди Пайгъамбардин (с.г.а. А.в.с.) вилерин дикъет аль-Къудс акун патал уяхарна ва ахпа ада вичивай мушрикри истемишзавай

суьгъбет ийиз башламишна. Абур вири мягътел хъана амукъна.

Абуру лугъузвай: «Са йифен къене Иерусалимдиз фена элкъвена Меккадиз хтун мумкин кар туш». Абу-Джагъл Пайгъамбардин (с.г.а. А.в.с.) гафарихъ члалахъ жезвачир.

Ада лугъузвай: «Меккадинни Иерусалимдин арада авай мензил лап екеди я, эгер са патан мензилдиз девеяр гъалайтла, тамам са варз лазим жезва, амма Пайгъамбарди (с.г.а. А.в.с.) тестикъарзава и яргъал тир рекъиз вич финни авурла, элкъвена хкъвенни ийизва.

Пайгъамбарди (с.г.а. А.в.с.) абуруз вири Аллагъдин эмирдалди, ихтиярдалди жезвай крар я лагъана, жаваб гана. Вич Меккадиз хкъез рекъе авайла, гъа йифиз вичел шегъердиз физвай карван ва адакай тамамдиз ахъайна. Ада гъа члавуз лагъанай, карван Меккадиз арбе йикъан экунахъ рагъ экъечлдай вахтунда агакъда.

Гъакъикъатда, карван гъа лагъай вахтунда агакънай. Пайгъамбарди (с.г.а. А.в.с.) йифен сиягъатдикай ихтилат ийидайла, ада къетлендиз къейд авуна, лугъузвай: «А сиягъат лугъуз тежер жуьреда, саки легъзеда къиле фена».

Са бязи мушрикри Расулал-Лагъдин аламатрикай Абу-Бакр ас-

тахъ фикирар желб ийиз алахънавай динсузривай са жизви къванни алакъариз, члалал гъиз ва чпиз муьтлуьгъариз хъаначир.

Эгер Пайгъамбардин (с.г.а. А.в.с.) ихтилатар душманри инкар ийиз, шаклубур ва бизнесубур яз гъисабнатла, абуруз аксина мусурманри гъасятда ихтибарвал гъана, куьмек ва даях яз адан тереф хуьз эгечина.

Гъакъикъатда, динэгълийрин риклера шаклувилер, инанмиш туширвилер хъун виже къведач, амма Пайгъамбардин (с.г.а. А.в.с.) гъакъикъатдихъ, сабурлувилихъ, савадлувилихъ, гъич са шакни рикле тун тавуна, гъар са мусурман бендеди инанмишвал авун лазим я.

Исраъ валь-Миърадж арадиз къведалди, Пайгъамбарди (с.г.а. А.в.с.), Ибрагъим пайгъамбарди (А.р.хъ.в.) хъиз, экуьнахъ ва няхнихъ къве къил капл тир ийизвайди.

Идалай гуьгъуьниз, Джабраила (А.р.хъ.в.) Пайгъамбардиз (с.г.а. А.в.с.) капларин вахтар ва къайдаяр чирна ва алай вахтундани гъа жуьре давам жезва.

**Рамиз гъажи АТАХАНОВ.**

## ПРОКУРАТУРА РАЗЪЯСНЯЕТ

**Требования предъявляются к форме трудового договора**

СТАТЬЕЙ 67 Трудового кодекса РФ закреплено, что трудовой договор заключается в письменной форме и составляется в двух экземплярах, каждый из которых подписывается сторонами. Один экземпляр трудового договора передается работнику, другой хранится у работодателя. Получение работником экземпляра трудового договора должно подтверждаться подписью работника на экземпляре трудового договора, хранящемся у работодателя.

Трудовой договор, не оформленный в письменной форме, считается заключенным, если работник приступил к ра-


боте с ведома или по поручению работодателя или его уполномоченного на это представителя. При фактическом допущении работника к работе работодатель обязан оформить с ним трудовой договор в письменной форме не позднее трех рабочих дней со дня фактического допущения работника к работе, а если отношения, связанные с использованием личного труда, возникли на основании гражданско-правового договора, но впоследствии были признаны трудовыми отношениями, - не позднее трех рабочих дней со дня признания этих отношений трудовыми отношениями, если иное не установлено судом.

При заключении трудовых договоров с отдельными категориями работников трудовым законодательством и иными нормативными правовыми актами, содержащими нормы трудового права, может быть предусмотрена необходимость согласования возможности заключения трудовых договоров либо их условий с соответствующими лицами или органами, не являющимися работодателями по этим договорам, или составление трудовых договоров в большем количестве экземпляров.

Помощник прокурора района, юрист 3 класса.

**К. М. РАДЖАБОВ.**

## ОБЪЯВЛЕНИЕ



УВАЖАЕМЫЕ жители района, на территории Магарамкентского района с 01.04. по 10.04.2021 проходит оперативно-профилактическое мероприятие «Контрафакт».


Основные цели и задачи проводимой операции является - перекрытие межгосударственных и межрегиональных каналов поставки контрафактной продукции, подрыву экономической базы

организованных преступных групп, декриминализации объектов потребительского рынка, попавших под их влияние, выявление и пресечение правонарушений, связанных с использованием контрафактного программного обеспечения для ЭВМ, выявление и пресечение правонарушений в сфере производства и оборота контрафактных продовольственных и промышленных товаров, в том числе товаров легкой промышленности, алкогольной и спиртосодержащей продукции, фальсифицированных лекарственных средств и биологически активных добавок.

В связи с изложенным ОМВД России по Магарамкентскому району, просит Вас немедленно сообщить о вышеуказанных фактах по номерам 8928-802-67-00, 8989-464-98-44.

Заранее благодарим Вас за оказанное содействие.

КРОССВОРД



**Дуъз цларара:** 1.Гаран хел. 2.Малар хъиядай чка. 3.Рух, адан са жуъре. 4.Ам галачиз уьмуър авач. 5.Ам галачиз дин авач. 6.Жалгъа. 7.Са дестедин ва я межлисдин къил. 8.Акъвазнавай цин чиниз ядай пехир. 9.Фагъум авачир авам. 10.Руъгъ (кичле хъана руъгъ аватун). 11.Парчадин са жуъре. 12.Явашдиз. 13.Лезгияр ятлани, районра, хуърера абур рахунин къетленвал. 14.Виридан.

**Тик цларара:** 1.Пешер авахънавай тар. 4.Са затлунихъ гузвай къимет. 6.Керпичрин чешне. 8.Са шакни алачиз. 11.Душмандин рехъ атлана акъвазун. 13.Наз гвай, дамах гвай. 15.Бязи набататриз ядай дарман.16.Къуват, такъат. 17.Пичинал чрадай къелечл фу. 18.Мутлакъ. 19.Гими. 20.Ерли. 21.Хажалат авай кас. 22. Шегъерда инсанар санай-саниз тухудай улакъ.

**Юкъва авай кругда:**

**дуъз цларара:** 1.Кагъаз. 2.Нуьквер квал.

**тик цларара:** 1.Свас гъизвай гада. 3.Къая.

**КВЕЗ  
ВАН ХЪАНАТИА?**

*XVIII- асирда яшамии хъайи Франциядин натуралист Бюфона тесикъарзавайвал, дуьньяда виридалйни гъвечли инсан 37 йиса аваз къейи дишегъли я. Адан яргъивал 43,3 сантиметр тир.*

\*\*\*

*РагъкъечИдай патан инсанрин вилери Европадин инсанрин вилерилай рангар гзаф ва хъсандиз къатлида. Гъвечли карханайри цуьк акъудзавай са вахтара Каширдин устадри гъазурзавай шаларик 300 къван жуъреба-жуъре рангар квай.*

\*\*\*

*Сахара къумлухра туарегар лугъудай са тлайфа яшамии жезва. И тлайфадин итимрин чина чадурра жеда, дишегълияр чинар ахъа яз къекъведа.*

\*\*\*

*Нилдин кланикай мад са вацл авахъзава- чилин кланик квай Нил.*

\*\*\*

*Москвдин «Лужники» стадиондин территория Монако госуларстводилай еке я.*

\*\*\*

*Акъваз тавуна рахунин рекъайи дуьньядин рекорд 54 йиса авай С. Джайярамандив гва. Мадрасда Гаиндидин памятникдин патта вам 1987- йисуз 3- февралдилай II- февралдалди къван, яни 200 сятда рахана.*

\*\*\*

*19- асирдин виридалайни машгъур симинин пагъливан Жан Гравле (Франция) тир. Ам 1859- йисан 30- июлдиз 10 метр яргъивал алай Ниагарский гургурдин винелай чулунвай канатдилай фена. Къвед лагъай сеферда ам и гургурдин винелай вичин страховоной агент Херри Колкорда къамал алаз фена.*

**Къилин редактор  
А.А. ИСМАИЛОВ.**

**Учредитель:** Администрация муниципального района «Магарамкентский район».

**Адрес:** 368780. РД, Магарамдхуьруьн район, Магарамдхуьр, Гагаринан куьче, 2.

**Редакциядин адрес:**  
368780. РД, Магарамдхуьруьн район, Магарамдхуьр, Ленинан куьче.

Газета «Самурдин сес» (Голос Самура) зарегистрирована Региональным управлением Комитета РФ по печати в РД.

Газетдин регистрацйадин нумра- Д 0174

Газет гъафтеда садра акъатзава.

**Чап ийиз вахкудай вахт - 16.00.  
Чапун патал къул чулгуна- 15.00.**

Газет ООО «Самур» типографияда гъазурна ва гъана чапна. Типографиядин ва издателдин адрес: 368780. РД, Магарамдхуьруьн район, Магарамдхуьр, Ленинан куьче. Лезги чап.

**Индекс 63340. Тираж 1400  
Заказ № 15.**

**Телефонар:** редактор- 25-1-37, жавабдар секретарь - 25-1-39, бухгалтер-25-9-69.

6+